

主編 黃靈庚 陶誠華

上海古籍出版社

金華宗譜文獻集成
20

金華宗譜文獻集成

二〇

磐安縣委宣傳部 編

目錄

金華宗譜文獻集成（磐安宗譜） 磐安縣委宣傳部編

邱志紅輯

陳

一

玉山等地陳氏宗譜

一

安文等地陳氏宗譜

五七

蔡

八五

東陽蔡氏宗譜

八五

曹

一二五

五雲曹氏宗譜

一二五

葛

一五九

天台葛氏宗譜

一五九

胡

一八五

玉峰胡氏宗譜

一八五

孔

二二五

磐安孔氏宗譜

二二五

李

二七九

管山李氏宗譜

二七九

厲

二九三

吳寧厲氏宗譜

二九三

劉金

三五五

長林中山劉金氏宗譜

三五五

馬

三八七

瀛山馬氏宗譜

三八七

倪

四一一

烏巖倪氏宗譜

四一一

潘

四三五

瑞山潘氏宗譜

四三五

邱

四六七

妙山邱氏宗譜

四六七

施

五二一

磐安施氏宗譜

五二一

王

五五三

南里王氏宗譜

五五三

韋

五八一

東眷韋氏宗譜

五八一

羊

六三五

皿川羊氏宗譜

六三五

楊

六三九

潤川楊氏宗譜

六三九

應

六九三

可投應氏文溪宗譜

六九三

張

七一一

夾溪張氏宗譜

七一一

趙

七五九

磐安趙氏宗譜

七五九

鄭

七七一

窈川鄭氏宗譜

七七一

周

八〇七

玉山周氏宗譜

八〇七

朱

八五五

磐安朱氏宗譜

八五五

陳

玉山等地陳氏宗譜

陳氏宗譜源流序

嘗讀春秋世家未嘗不廢書而嘆也蓋因國受姓始於黃帝之世歷唐虞夏商周班班可考迨至漢唐皆有史官及五季之亂譜學盡廢寥寥無聞其間士大夫能事於譜者不少概見謹按陳氏之先本帝舜之後曰胡公滿者仕於周匡輔之績居多成王胙土分茅大封功輔即封胡公滿採地於陳後世因以國爲氏焉傳世十三孫曰完曰願曰朔者從父御公去桑萊止於田遂改姓爲田本胡公之裔也越數載完人齊避亂爲齊卿復姓陳嗣後孫枝蔓延星散更姓者續紛播遷者莫紀至於中葉判廣公居括蒼越三世而仁寵翁樂葵之東陽玉山鄉山澤山水之佳而莫居焉爲山澤之始祖也生一子彥臯彥臯生仕寶仕寶生貴賓宋治平中建崇教寺舍田一頃零又杜家莊田八十餘畝莊屋一所生一子願任蘇州吳江縣知縣願生祿祿生襲襲生六子選道衰國葉盛選生傳倣衰生防偲從從生義儒義生椿椿生華尹尹慨夫上世譜牒湮燬於宋年間獨往潁川整錄俾後有所繼述舉其績也華生二子小泰履泰尹生復泰儒生松植松植生文培文培生忠泰宦名大猷號東齋先生登宋紹定二年進士歷官六部架閣以吏部侍郎致政其山澤十三世之祖也生五子次

子存德宦名謙亨登宋淳祐二年進士志載父子繼登文學爲優小泰生四子長曰存威次存閔存閔遷於東山存威生六子旭夔大旺興與旭生必勝夔生二子必壽必忠必壽任建康句容縣主簿必勝生四子夢聖夢賢夢祺夢錫夢錫出繼必壽必忠生三子次子夢弼亦繼與必壽夢弼登宋嘉泰二年進士文思王愛其才貌以公主招爲郡馬是爲安宅溪頭之祖履泰生存讓遷於下陳岱溪是其始祖也復泰之五世孫夢鰲居於塘田夢錫一派之下子孫散逸遷居大湖者有之輿頭者有之下溪者有之莫能紀極故畧而弗書今但以其先世之所自出者錄之不敢妄有增加以俟後人考焉

舊序

夫天地間有人民而後有夫婦有夫婦而後有父子有父子而後有子孫自茲以往至於九族支分派別千緒萬端或兵戈擾攘而播越或陵谷變遷而散處以至吉不慶而喪不吊及至歲遠年湮風移俗易子孫邂逅如途人爾山澤陳氏自胡公滿封於陳以訖於今八十九世至仁寵公自括蒼遷居山澤至十世義居下莊閔東山讓居岱溪桓居台州子孫之盛颺綿瓜衍蟬聯青紫賴於一族綿綿交替豈非上世積德之深乎今以仁寵公遷居山澤爲始祖一世二世至於萬世而無窮茲譜之作使子孫知水之有源木之有本也後嗣或力學以顯親或力耕而興業揚名後世可不勉哉於是乎書時元大德八年歲次甲辰仲春之吉仁山居士金履祥撰

陳氏宗譜序

邑東玉山山澤陳氏蓋潁川仁寵翁之裔也星布錯處其在婺郡東邑者分析尤多而下莊安宅溪頭東山下陳岱溪塘田大湖輿頭諸派在在鼎盛不讓太原之王趙城之李也按其本始之原皆出於仁寵翁自括蒼而來托甘溪遷居山澤也山水鍾英時當泰運雖山林如同廊廟也津津鼎盛如川之方至厥後大猷公登宋紹定二年進士仕至六部架閣吏部侍郎而謙亨公登淳祐進士夢弼公又登嘉泰二年進士文思王招爲郡馬其間繡虎雕龍簪纓濟美騰蛟起鳳紳黼聯芳孝子慈孫異人賢士繩其祖武盛矣哉莫不食夫仁寵翁之雨露也語曰有其具者易其備茲青紫閭閱之由厥有自矣詩云鳳凰鳴兮於彼高岡得時而駕者也餘觀陳氏父子兄弟兄弟夫夫婦婦而家道正誠東邑之望族也他日必有賢者起奮發登庸抒忠朝寧者將各里居共躋雍熙而以爲門閭光焉回視先公之著勳魏闕者相與奕世重光矣今子孫辟終古而遐思播仁風於奕世緬思不顯先烈昭示後昆則家乘爲急務乃其乘傳踰三世未登齒錄夙夜兢兢不遑寧處而山澤下莊安宅溪頭東山等處會議重修纂輯渙散萃矣邇系別生九服明矣序次遵行冠履分矣至於絲綸煌煌珠璣燦燦昭前猷而光盛典俊髦輩出莫不有由於源本者矣夫陳仲弓荆榛一老而以導俗厚倫蜚聲九闕今日之舉不亦媲美乎哉余故嘉其嚮義樂爲之序以弁諸首云時大清康熙癸丑一陽月之吉同邑郡庠生眷生韋憲拜撰慎獨主人韋翹拜書

重修陳氏宗譜序

夫譜何爲而作也敬祖尊宗親親長長之道賴以存今以樹之一本而百枝也未幾而本復生本枝又生枝譜寧異是哉其累世承籍叙述間若者經綸若者道學若者德行若者文章若者忠勇其詳而且悉者所以誌先澤起後英也豈第書名書字而已哉玉山陳氏爲吳寧望族自胡公肇封後而陳遂以氏歷數世而判廣公自金陵遷括蒼遞及三世仁寵公雅愛東陽山水佳秀卜築於二十八都玉山山澤以居焉公乃陳氏始祖乎迺一傳再傳暨十餘傳簪纓繹絡人物挺生以經綸則有判廣敬仲之布蹟朝廷矣以道學則有止齋北溪之敷教江海矣以德行則有貴賓公之建寺舍田矣以文章則有時渠公之冠領浙闡以忠勇則有夢弼公之翼輔宋季世胄之盛何以加茲其尤拔者則有如東齋先生諱大猷者學綜百家才臨秋水闡理學於周程洞璇璣於河洛登紹定進士官吏部侍郎政績文章如山如斗千秋崇祀是山澤之始祖也舉五子次存德公純孝且篤名高甲第乃棄官爵而奉高堂其天性又何如哉厥後一本之發萬葉之茂如下莊東山安宅溪頭下陳岱溪塘田等處皆喬枝之分翠也由是觀之陳氏敬祖尊宗光前啓後者無待他求矣予嘗讀東齋先生傳竊嘆其淵源之有自而莫可紀極適今嘉平候陳氏重修家乘來索予序余翻閱全帙洞識源委世德之隆繼述之善親親長長之風先後一揆輯續之功豈淺鮮哉是爲序時雍正六年歲在戊申嘉平月穀旦賜進士及第日講官起居註翰林院編修年家眷弟沈文豪再歐氏拜撰

重修陳氏宗譜序

家之有譜猶國之有史也所以篤宗盟序昭穆著前徽而振後嗣咸於是乎在其源潛於軒轅氏之二十五宗而詳於柳芳氏之族論故鄭漁仲通志有氏族畧要皆爲得姓受氏之掌故而已至於吊問慶賀宴享周恤以重親親以敦氣誼則眉山蘇氏之言爲最切予嘗覽而心纂焉迄今秉鐸吳寧稔聞邑中著姓率多有宋南渡以來世家而陳氏其一也內有陳公諱忠泰者登紹定二年進士由從仕郎歷六部架閣吏部侍郎嘗著經書集傳用朱子釋經法呂子讀詩記例採輯群言附以己意宋季盛行其說郡邑志昭然具載惜乎其書至今不傳耳而流風餘韻猶有存者況當時以甲第著如謙亨公登淳祐進士郡馬夢弼公登嘉泰進士他若時架公子楷公蟬聯相繼多有偉人而貞節行誼又班班相輝映耶今其後裔守貢守經守瑾希遂希俊希煜希餘希璵希珂希達希乾明經明瑞明孝明澤明良本崇等將以重修宗譜請序於予予遠稽陳之世系俱本胡公厥後子姓繁衍派流各別維邑中山澤之陳則自判廣公由金陵遷括蒼又數世仁寵公雅愛玉山山水之秀因卜居焉實爲山澤始祖也嗣續克昌遂得大猷公夢弼公等聯翩振起家聲可謂盛矣自宋以來更數百餘年而聚族弗替瓜瓞綿綿由山澤及下莊安宅溪頭東山塘田諸處抑可謂源遠而流長矣但期修訂以後敦宗睦族尚義好賢成仁厚之風紹淵源之美詎不重有賴與是爲序至於規條詳核已載舊序予不復贅時乾隆二十七年歲次壬午荷月吉旦特授儒林郎東陽縣教諭鴛湖年家眷弟倪士宏拜撰

重修陳氏宗譜序

歲戊午餘主講南明曾一過玉山信宿故人周暄圃家因悉環山百里聚族居者多起於有宋南渡當時文學若翠庭武功若定叟著述若大猷公輩皆卓越古今照耀簡冊其流風餘韻未嘗不想見於層巒衍岫間也今年秋予將奉文入都得暄圃書併陳氏系傳畧具言山澤等處重葺譜牒致其外戚陳丈祖榮允芳意勾序於予余聞譜者普也謂世數周普也譜者布也謂布列見之也古人譜牒多不傳傳者惟歐蘇氏今之作者皆祖之近四明萬跛翁圖二家式言歐合收而易考蘇散見而難稽證之於經皆有所未盡故蘇法宜合而歐法宜廣也觀陳氏世次其由金陵遷括蒼則自判廣公始由甘溪遷山澤則自仁寵公始嗣是若下莊塘田溪頭安宅東山等族派別支分葛綿椒衍皆其流裔也孰爲鼻祖孰爲別子之祖孰爲繼別之宗不紀遠而紀近在傳信而闕疑穀梁子所謂知其所不知知也使必如導河源者窮之於星宿海則凡系出有媯皆原其得姓肇於胡公或牽連攀附非等諸孤之帶令則似羅威之以隱爲叔重慙地繆治絲而焚安見皎若列眉如肉貫串耶蓋夫充宗氏之言也譜以誌祖宗世系之源流使子孫不忘所自來也豈以此飾人耳目矜其族望哉且曰簡則易修簡則易攷易修則子孫人人樂修而譜存者多易考則子孫人人樂攷而知祖者衆斯可謂深得作譜之意矣今守彩希瑞希軸希乾希榮希紹明澤明瑞明霖明錦明忠明華本祖本功本佳本高本榮諸君緒正其事當無普非所普布非所布也其參酌於歐蘇二家之法而折衷以萬氏之說歟抑所稱別子之祖者其在

仁寵公與若前世閱閱之盛與夫節士蓋臣幽貞烈艷詳見郡邑志無俟余之闡揚也畧言所以爲譜之得失與董率諸君子商之是爲序時嘉慶四年歲次己未七月上浣賜進士出身庚戌會魁在藉需次截取知縣漢溪眷弟趙睿榮拜撰

玉山陳氏重修宗譜序

治譜如治河然溯河源則閱磨黎山與得姓受氏一也禹貢導河則始積石積石以外不詳與別子爲祖繼別爲宗一也至於或忠孝或勳名或科目焜耀一時者譜中必艷述其事使子孫傳之弗脫諸口不猶治河者曰龍門華陰底柱乎派分支別雜而不越活水源頭問津咫尺不猶徒駭胡蘇馬頰諸川名九而實一河乎故人以治河之法治譜而譜難亦人以治河之法治譜而譜易也玉山陳氏族望東陽幾七百余年已經三十四世茲又重新家乘剗剗羅鉞介而問序於余余繙閱之下見其祖胡公其河之閱磨黎山乎見其宗始遷山澤之仁寵公其河之積石乎掇甲科者誰佩銅符者誰耽槃澗而果義者誰大書特書且備書其河之龍門華陰底柱乎下莊東山安宅溪頭下陳岱溪塘田等處等而上之至於祖等而下之至於欄若綱在綱有條不紊其猶徒駭胡蘇馬頰諸川乎而且圖考釐藝文繕詳而有體征而有信譜之能事畢矣而吾因之有感焉陳氏自山澤發祥而後人之奉牲脔人廟告虔者豈下萬人哉微特大猷公登紹定二年進士躋小司寇著書集傳不脛而走崇祀鄉賢者威麟祥鳳指難再屈即如舍田建寺之貴賓公儀賓郡主之夢弼公聯翩登第之謙亨公時渠公今尚有頡頏其聲華者乎始知譜不能重人人能重

譜爲人孫子亦勉爲其重譜者而已余蒙國恩得陪玉堂諸公遊籓籓之躬固未能履陳氏之堂申言其所以重譜者宗老其代余言以當木鐸之徇時大清嘉慶四年歲次己未四月清和之節穀旦欽賜翰林院檢討九十三老人清溪徐愛蓮拜撰

重修陳氏宗譜序

余秉鐸婺東歷有年所而在庠諸君皆磊落英多間有陳生諱希瑞字騰先者向余殷然志在修譜亦以見仁人孝子之心也夫譜爲家史其源蓋出於周官小史取其莫繫考辨昭穆而間以備邦國之志其體例在別傳雜紀上古之作者若殷氏世傳孫氏譜記陸氏系歷章矣然鄭樵稱究心譜系通志所輯凡六種一百七十部而端臨通考存者不過數家亦以見淵源流貫欲以成一家之書有未易言者按陳氏自胡氏肇封同爲三恪後遂以國爲姓衡門泌水諸詩多隱君子厥後敬仲奔齊而韶樂猶存其間武公夷公宣公謚公者非一迄威王宣王湣王號王者實繁雖更姓改物詎必無時然至於平封爲侯勝將上軍他如子昭得專征伐仲舉食邑高陽仲弓居太邱文范先生漢實稱之其尤著者承梁之禪即位建康號永定焉逮天嘉與建光及太建與至德累朝稱帝遞判廣公由金陵遷括蒼至仁寵翁自甘溪來遊山澤間見夫層巒疊翠水秀山明爰卜居於此焉其後果以地靈人傑篤生大猷公者登宋紹定二年進士歷官架閣吏部侍郎又有厥子謙亨公舉淳祐進士父子從美濟濟一堂皆以文學馳名至夢弼公遷居下莊又登嘉泰進士文思王愛其才貌以香亭公主招爲王府郡馬其後時棟時愚時渠科名奕世子祿子悅子

袖儒學聯芳史冊所垂洵足爲陳氏光歟今者騰先受學在庠而偕諸族長守彩希軸希乾希榮希紹明澤明瑞明位明錦明忠明華本祖本功本寧本佳本榮等爲宗譜重修而請序於余余即山澤下莊溪頭安宅塘田諸派上溯其宗祖之所由來下期其子孫之所奮興敦睦是尚仁美可風將見克念前勳無忘厥祖其必有恢宏先業而大振家聲者焉爰爲是序以弁諸首云皇清嘉慶四年歲次己未孟秋上浣之吉特授東陽縣教諭竹墩年家眷弟沈榮發拜撰龍山三十三世孫希瑞謹書

陳氏重修宗譜序

原夫譜所由作意以勸親親也萬物本天人人本祖世之相後或數世或數十百世皆一父一母之所出焉地之相去或數里或數十里皆一家一室之所析焉然而同源殊流支分派別苟無譜以紀之雖功總近服至於不識面如路人者多矣苟有譜以紀之雖南北殊處其勿念宗盟篤懿親者寡矣予玉山陳氏自宋而元明及國朝綿延幾近千餘年由山澤而下莊溪頭安宅塘田東山下陳岱溪大湖等處蕃衍不下千餘家乃其合族之道遠如近今猶昔焉非以其譜也歟族長明梅明祥明福明瑾明英明沅明倫明奇希銀本學本遠本仁言謹言煌言通言興言譚志達勾序於予予思家之有譜猶國之有史以紀萬世帝王之統譜以誌一家脉絡之詳秦漢以來世家右族各自叙其世系稱其閥閱以光史策唐藝文誌載氏族譜其著姓也而今之爲譜者則憲章於宋歐蘇二家要在傳信不誣所難信追遠不誇所甚遠昔周武王封有鳩之後庸以太姬元女配胡公國

於陳后子孫因以爲姓名公鉅卿侯王將相見經傳而炳史冊者姑勿具述爲其遠而難以取信也遞判廣公由金陵遷括蒼仁寵公自甘溪徙玉山是爲山澤溪頭諸族之始祖與其始祖所出厥後大猷謙亨夢弼諸公俱登進士爲宋顯宦而夢弼又以文思王郡馬屬國戚焉洵足爲陳氏光矣然亦前哲序之綦詳無俟予言夫子所復有言者作譜之意耳眉山蘇氏自序其譜曰途人者其初兄弟也兄弟本一人之身也斯深得作譜之意矣後之人得蘇氏之意以得所以作譜之意則義相維恩相洽雖疎支遠屬謂吾爲族父者吾謂之族子謂吾爲族子者吾謂之族父慈孝之心油然而生矣謂吾爲族兄者吾謂之族弟謂吾爲族弟者吾謂之族兄友恭之念勃然興矣統之以父子兄弟作之以慈孝友恭然後親親之誼篤而葛藟無傷河澣子鳥無嘆桓山已若夫叙世次紀始終書婚嫁圖以誌疎戚之分傳以次尊卑之序誌銘狀贊以稱揚先人行誼之美不至於羊成羊宋爲束者則董率諸君所麗正而亦無煩予贊也是爲序時龍飛道光十五年歲次乙未孟秋月上澣之吉姻晚生章昌英拜撰并書

陳氏重修宗譜序

余讀虞書獨載堯以來而不追其舜所自出之帝竊有疑焉迨觀夫子與宰予論五帝德及帝繫姓縷析條分詳明且盡則可以補二典之缺而開後世姓氏之學者其在斯歟玉山陳氏高陽之苗裔東邑之望族也其祥發於勾芒至舜登極本姓鳩而以虞爲氏夏有虞思周有虞闕父子滿以神明之後備三恪而封諸太皞之墟曰陳其後在齊更姓田直柄相之八世至太公代陳有國莫之與京矣漢唐之

際族大人繁五季衰亂而陳氏之譜歸然亦大德之一報也宋興歐蘇諸公並起姓氏之學大行耳目一新自仁寵公始遷山澤數傳而遷下莊溪頭安宅而塘田東山下陳岱溪大湖等處越世重修庶無罪悔以迄於今戊辰之春吾友陳本圖實始倡議修葺與諸君踵門丐序陳氏之譜得寓目焉余曰人之有譜也長幼尊卑於是乎序猶馬之有百體也驪黃牝牡於是乎分若散馬之百體而不得馬而馬之繫於前者立其百體而謂之馬也譜之於人亦猶是焉由百世之後溯百世之上親者無失其爲親故者無失其爲故若綱在綱有條不紊夫豈合異以爲同散同以爲異十姓百名而以爲風俗者所可同年而語哉是故人以類聚物以羣分本乎天者親上本乎地者親下亦各從其類也已矣物猶如此而況人之於譜乎詩有之須知一本能雙干始信千兒於萬孫引而伸之觸類而長之天下之能事畢矣余也不才希當大任以有限之襪綫製無縫之天衣極知僭踰無所逃罪然諸君尊祖敬宗之道繼志述事之心庶足以有裨於萬一余能以不文辭乎後之覽者得毋有感於斯文是爲序時龍飛同治戊辰菊月重九前四日穀旦歲進士候選儒學訓導八十七老人年家眷弟蘭臯吳錦榮頓首拜撰

重修宗譜序

陳氏之隸籍東陽者多矣而散處玉山同支共派自唐迄今卜世將四十六歷年幾滿千簪纓奕葉代有傳人子孫愈久而愈昌家譜遞修而遞合尊祖之義常存睦族之風共敦惟仁寵公之嗣胤爲不可及已公先世由金陵遷至括蒼判廣公分居甘溪公自唐季徙至山

澤不數傳椒蕃瓜衍人文蔚起趙宋南渡後大猷公登紹定二年進士第官至吏部侍郎著說盛行今或問一卷猶存其論子謙亨公復登淳祐進士胡蔗庵先生人物表稱曰父子濟美夢弼公登嘉泰進士尚文思王郡主他如明道學理郡邑冠浙省榜者後先踵起而且貞烈之仙姑成神之孝子舍田建寺之善士悉產於一家猗歟休哉余尚何言顧凡美於前者皆難乎其繼間嘗總論吾邑之著姓若唐之馮氏舒氏宋之滕光祿章敏喬平章文惠賈主簿諸前哲聲華閎閱彪炳一時今過其里居訪其子孫無復存焉者間或有之亦屬式微惟陳氏金枝玉葉由山澤分處者或數百家或百餘家或數十家服膺食德勿替祖風其尤難者歷宋元明清常合輯宗譜於一堂以講一本之誼親親之道何如乎方今聖天子以孝悌治天下遐陬僻壤莫不示以敦倫飭紀收族敬宗處士本圖并各派老成即以修譜爲亟務噫諸君可謂知其大且遠者矣牒成商序言於予竊思譜之爲事從古難之如讀杭董甫先生道古堂集謂天下夸誕不足信者莫如譜或有虛談勳閥而考諸信史無其名或杜撰頭銜而稽諸職志無其官或攀附文人而質諸大集無其序此欲尊祖也而適以誣其祖又有離貳本支實一氣也而遠祖近宗各樹其派道南道北遂自爲行族屬之功總伯叔兄弟子姪視若途人交臂不相識觀面不相親謂睦族也而反以携族凡若此者皆不知譜之所以爲譜者也幾何其不貽笑於大方也茲閱陳氏宗譜自胡公滿以至昭代世經人緯取法於歐蘇紀月編年觀型於史氏自外紀而內紀由大宗而小宗珠貫繩聯釐然得所麟排筍束炳若列星至若功名仕宦參考乎志乘忠孝節義分著爲特傳細誌嫁娶生亡圖繪塋墓宅兆家訓

嚴祀典崇詳畧適中合乎著述之體吾知上承列祖列宗之芳徽者是在下啓各派人文科甲之繼美者亦在是矣不益見陳氏之特盛吾東哉是爲序時大清同治七年戊辰歲次清和令旦壬子科優貢生朝考一等即用知縣紫陽書院監院署嘉興府學訓導雅溪眷晚生葱甫盧正珩拜撰

玉山二十八都陳氏宗譜序

余自通籍後乞假歸省乙未夏有玉山鄉之遊愛其山水清奇民風儉樸流連不忍去者三閱月嘗厲二十八都山澤溪頭兩村皆陳姓也陳姓爲吾東鉅族雖同出潁川郡而自太邱以下派別既繁各奉其支分之祖爲始祖其散居玉山者務農爲多有秀而文者類與余有文字緣庚子在籍主講郡城書院因公歸里赴鄉下莊陳君國華偕其安宅族人立琅遠道尋訪數日始獲晤於千祥途次感其意誠允他日應命公暇出舊譜觀之陳氏之先由金陵遷括蒼者判廣公也越三世由甘溪遷玉山鄉山澤者仁寵公也嗣是溪頭下莊安宅塘田東山下陳岱溪大湖等村皆以仁寵公爲始祖子孫代有聞人其最著者如大猷謙亨夢弼諸公皆以進士爲宋顯宦我朝文教昌明陳氏山澤一派掇巍科登峻秩者雖不少概見而士以詩書世其家農以畎畝食其力誼關一本古處可敦昔日人才之盛必有光大間門後先輝映者咸豐辛酉粵匪之亂兵燹蹂躪墟里僅存幸譜牒完全不至散佚同治戊辰曾續而新之邇來三十有三年矣族董生員國華洛疇監生志德言聽立琅公源輩照章續修意至善也惟是後裔多貧鳩資匪易且今年夏間亢旱補種雜糧又隕早霜歲收甚

歉而董理諸君因事已興工未便中止其敬宗收族之舉有較上屆爲難者方今多事之秋奉旨通飭各省舉辦團練保衛梓桑所願父詔其子兄勉其弟以同族同宗之誼爲同心同德之儔消外侮而靖內訌胥於是乎在即顯親揚名之事亦於是乎在咸同以後湘淮兩省文武大吏皆以團練起家其明證也則斯譜也豈徒序世次別派流如丁口冊奉行故事乎孝以事君弟以事長之理寓其中矣識時務者爲俊傑古來將相豈有種邪陳氏之孫其勉乎哉時光緒庚子冬至日

己未歲重修宗譜跋

譜之爲言普也其始也普聚者以散則生生之數繁其繼也普散者以娶則親親之情篤庶在外者不等於路人則譜之宜修也急矣族自戊午冬不浣五日備牲告廟重修宗譜命瑞等司草創之事別昭穆之次時以不文辭不獲命乃與兄希珂希軸希榮姪明澤等以及諸房各派增錄親丁爲一帖書其生娶子女卒葬墳圖己未春而草底初成緣考癸丑戊申以及壬午之重修舛訛缺失間亦有之而瑞披閱歷一寒暑而於字之顯然誤者膽敢改削而有疑者改之史核諸志再稽之於前後漢書則外紀之有其名者增以註釋而外紀之無其名者雖忠臣道學不敢妄有所加是特以尊祖敬宗之義凜凜於心而於收族睦姻之誼爲尤切夫族至分方異地不無圓柄方鑿之殊而瑞與姪孫本祖本功喻以道義和以鹽梅庶得相合無間此中之苦心良不少也今者敦請巍山趙廷輝先生鐫印伊亦文理清通惜數試不售故校證皆善家譜告成於己未之仲冬但卷帖繁然

譜局途遙未及章章對核或有挂漏舛訛之誤而經營數載輯和諸族實有委曲詳盡之心後之覽者無重余罪焉則幸矣時龍飛嘉慶四年己未仲冬之吉籠山三十三世嗣孫希瑞謹跋

重修宗譜跋

譜之作也由來舊矣蓋自伏羲氏以儷皮爲禮而姓氏正周官小史莫系世辨昭穆紀綱秩如也降及秦漢晉六朝隋唐始尊世胄而尚姓由是著爲郡姓右姓區分甲乙以辨選舉婚姻之等而其時之譜稽於官至宋歐蘇氏而家自爲譜志其宗支勛爵詳其卒葬里居官不復過而問焉矣然而明統系別貴賤猶古制也則率祖率親本仁敦義孝友睦姻之道於是寓焉譜之所系誠重矣哉吾陳氏由媯嬭發祥禹錫之虞城商賁於遂周封三恪以國爲氏自是綿綿延延散處遍海內至唐季我仁寵公遷山澤後由山澤分處者十餘族宗譜在道光乙未修葺至今三十餘年矣里居星散丁添戶增茲值粵匪蹂躪之後甚有付之一炬者各派老成人急謀所以修之囑司事於圖予思修譜之責亦不易矣非具淹貫之識無以浚修之源非擅博雅之才無以盡修之實圖也學問淺率見聞孤寡恐數典而多忘辭再三而不獲閑竊翻閱舊譜且喜從叔祖文學籠山公在乾隆嘉慶年間兩次重修商諸老宿廣搜博採自胡公滿至金陵遷括蒼者爲外紀若者爲王爲將相爲隱逸大書特書考核精詳自仁寵公遷山澤至昭代者爲內紀爲顯宦爲道學爲忠孝節烈傳略志銘登載分明其體制美矣善矣爰同諸老成發凡起例一遵舊章不敢妄爲點綴至後之嫁娶生亡塋阡宅兆益加詳慎并賴各派老成與經事之

制闕氏輩共相參訂不敢俾有漏遺經始於仲春告成於孟冬但願爲孫子者視譜之修爲甚重益隆尊祖之義敦睦族之情思夫源之遠追想夫祖德宗功思夫流之長穆然於保世滋大上以追鄉賢國戚之休風下以啓科甲人文之美盛若魯魚亥豕羊宋束之訛有不免者更賴後人之考正焉是則予之所厚望也乎是爲跋時龍飛同治戊辰季秋月穀旦洛軒三十五世孫本圖謹跋

陳太尉公行傳方十

安宅派

陳太尉者余同都安宅人也乃宋郡馬夢弼公之曾孫元授兩浙奏差養正公之長子諱永禧行方十生而聰慧比長公平正直不矜才能居恒亦無甚異於人惟父母則孝養備至鄰里有賽社者彼必知之有時微露其意常於夏日僱工剗削荳草至午後太尉曰爾等今日須爲吾完工衆戲之曰若此務要將太陽光當住不可使下但見太尉拔茅草梗插地完工歸家時已三更村人無一家有燈火者有時同村人曬穀於場天忽雨衆人共急收彼毫不爲動雨止簞穀不濕鄉人頗異之猶未知其成神也忽一日以小經紀往剩邑之浦口時大旱地方虔誠禱雨太尉向其人言曰但食我要雨不難有老成者以酒肉待之太尉囑搭起高臺登臺作法雨果傾注遂於此脫凡胎剗人即塑其像於思敬廟其神魂歸安宅告兄弟輩負歸亦塑其像於東山廟中今兩處祈禱皆靈驗而剗地爲尤顯剗人并呼之曰陳老太公無事不禱之餘生也晚不能知其詳但因安宅人歷代所傳者以著之後有賢者採入郡邑志亦吾玉山之光彩也乎時龍飛同治七年歲次戊辰上浣之吉周三槐薰沐敬識

賢三百四十八金氏節婦傳

岱溪派

金石之堅磨而不磷松柏之貞寒而後知而節婦之操於斯見焉所以然者皆天地間貞固靈氣之所鍾也若夫岱溪土魁公之佳儷著姓金氏懿諱翠娘乃長侃鼎族金汝廉公之閨玉也自笄來歸與公十載宗戚僉云河洲淑女關雎叶韻已聯樛木之風蘋繁載咏又類有齋之薦至於母儀是則莫不推爲裙釵之範而玉燕之祥已葉一夔命諱廷袞廟堂之佳器也甫生一歲不幸於崇禎癸酉之秋公年三十三歲已罹劇疾之憂屬榻已久藥餌之投百劑不效延於十月十八公召安人至榻而囑之曰吾之不幸遭茲劇疾自知欲生無日死期將至賴汝救攝之恩吾在九泉下以報之焉奈吾母氏年近六旬溫清定省惟汝能盡矣愧吾子道反不得承寧勿孔懷悵憾乎況兒尚未離汝之懷妾又產月俄臨雖然資生之業頗饒奈汝寡蟹難艾爾今年止二十有七盍乘吾在而行處區度無後悔安人泣曰爾言雖善吾志難移嘗觀女傳有云夫亡有子舉曰未亡今日雖造不幸焉知異時之不幸乎言猶未已公即沒於是日申時矣安人與公終喪之禮卜兆於留貴塘大逢岡之原嗣是奉姑尤謹至於臘月二十三且時張氏已獲廷襄之慶二孤深賴安人撫育稍長延師就塾以治經書越八載於崇禎庚辰五月姑氏已染沉痾安人爲之醫療不瘳於是月六日而逝焉安人服喪之禮尤勝喪事畢爲二孤子完子乎之願俱茁蘭英廷袞生三孫克迪克達克達廷襄生二孫克仁克信二女長適金光章次適金茂瑜皆長侃之英杰也今安人壽躋古稀恍乎西池之金母也操同金石之堅節並松筠之秀家政整

肅蘭桂芬芳門楣有慶福祉無彊敬爲是傳以俟金闕之章旌其門以表其坊安人玉潔冰清之志豈不爭光日月與天地而並長時康熙十二年歲在癸丑桂月之吉林數閑人九如華經拜撰

賢三百六十二順初公傳

厦城派

聞之人有善願天必從之天蓋佑人以爲善者也若陳氏諱士義公字思敬行賢三百六十二順初其別號也乃紹三百七十六翁之仲子事父母以孝順待昆季以怡怡處鄉鄰而雍雍者爲善最樂厚以責己寬以責人真所謂有德之仁人也予嘗與之聚處見其恭儉謹慎有節有文忠直信誠不欺不僞有才而不恃有智而不用何渾然樸茂如斯也元配張氏警戒佐夫義方教子誠堪爲妯娌矜式生子廷祥廷瑞克昌厥後英英秀穎皆盛德之所貽何莫非天之所以佑善人也余俚言記載使後之覽者亦將有感於斯文時康熙十二年歲次癸丑菊月之朔吉旦蟠溪文卿王啓元拜撰

紹三百七十一如本公行傳

奧頭派

列傳之體始於司馬遷其著述或考諸載籍或得諸傳聞求其時同親炙者百無一二蓋衡論人才闡揚潛德本吾儕分內事人苟一節可稱即宜登史冊昭誌乘弗令湮沒無傳也茲余與陳姓如本公若有合焉公昆玉四係宗香公幼子世居下莊順治丙戌間明鼎革土寇蠭起沿地燬掠公時年弱冠有奇避居邑南塢頭獨齋宗譜而行至康熙十三年寶海肅清族人陸續漸聚復議修譜以重宗盟而各房藏譜俱遭兵燹隻字片箋無復存者惟公攜帶之譜完璧無恙得

以上序祖宗旁聯昆弟下及子孫以至嫁婚誕卒絲毫不爽皆公一人之力也吾思流離瑣尾今昔同悲非攜衣履即帶金銀況變生倉猝逃命無時恒有拋妻棄子不遑顧者乃公獨計及於譜謂非才識迴越尋常者乎娶潘氏生五子曰綱曰紀曰文曰章曰絲公遂居塙頭以壽終後公幼子士絲公以桑梓不可棄也旋歸下莊現今瓜綿椒衍約十餘家樸者耕而秀者讀想見公之流澤孔長矣茲適重修玉牒諸族摯思公舊典難忘謂傳於口不如筆諸書也囑公七世孫本文臚陳巔末倩余數言以垂奕禩餘生也晚不獲親見其為人但不知有當於公之萬一否也時同治戊辰林鍾月中浣穀旦眷再姪庠生鳳山蔡立丹拜撰

建坊節婦張氏傳

安宅派

嘗思貧賤不能移威武不能屈此惟聖賢爲然不知天地有自然之正氣鍾於男子則爲聖爲賢鍾於婦人則爲貞爲烈均可與天地共垂不朽者也吾茲有感於陳門張節婦焉閨諱龍係廷雪公之配也以玉貌花容之質冰霜金石之操於歸陳門一十六載生二子克琅克玗孝順公姑助夫教子閨儀闔則誠堪爲妯娌式至順治戊子白寇擾我玉山焚掠民居人皆電奔星飛矣婦與公姑俱匿於山時寇已越境節婦即同公姑返於家未幾又聞官兵來玉山徵勦公姑驚曰吾二人老且病在此兵至諒無害汝與夫二子權避之言畢而總鎮馬統率大兵已至節婦深思與夫言曰公姑困倦在堂吾與汝去語云爲臣死忠爲子死孝能無愧乎緣是遂不去時大軍屯於安宅之前而標下不良好色狂徒竟假名搜賊擁家抄掠財物窺見節婦

貌美年芳頓起淫惡之心將婦擒之帳下威刑逼迫婦厲聲大罵曰爾等既受朝廷爵祿當靖寇安民澄清天下以報君恩豈容假勦寇之名而行作寇之事乎吾乃金玉之軀豈肯從犬羊之輩頭可斷志不可移也狂徒聞言背與衆計曰誘之不從威之不懼釋之不舍計將安出耶於是掄刀欲殺者三節婦又曰爾殺即殺噫我何爲遂操刀殺之斯時慟曰二老未能終事二幼未能成立他何憾哉時在九月之望年三十有二公姑哽咽暈地夫君躡躑躑號天見者莫不流涕廷雪公盡禮而葬道塘之原至雍正二年聖朝崇尚節孝邑侯龐公訪其事申詳各憲具題奉旨廟食建坊旌表此非得天地之正氣亦烏能爲貞爲烈而與日月爭光並垂不朽乎其不移不屈與聖賢相去未遠也予秉鐸東陽入祠訪問故不辭鄙陋乃執筆而爲之傳云時雍正六年歲在戊申季冬上浣之吉歲進士署東陽縣儒學訓導嚴陵翁晉侯拜撰

良三百四邦相陳翁行傳

溪頭派

書曰作善降祥易曰積善餘慶丙吉有陰德夏侯勝知其必封及子孫於公持平允知其後必昌高大其門閭卒之丙吉列侯於定國爲相大顯漢廷史冊所載若操券然也吾於陳翁有可卜者翁諱廷卿字邦相號九錫乃賢二百五十七公之長子也翁生而神靈長而岐嶷以家事紛紜棄舉子業然經史百家韜畧諸書無所不習性至孝事二親敬養兼至處昆季怡怡一堂有推梨讓棗之風明發之懷天顯之誼翁實兩盡之矣至待鄉黨則謙恭處鄰里惟排解且其才畧則足以任事公忠則足以付托故文物縉紳之流重大機務多與共